

OFFICIUM INTERLINGUISTICUM BUDAPESTIENSE.



Dom. prof. Giuseppe Peano

Cavoretto-Torino.

Budapest, 23.2.30.

Honorato coidealista,

Gratias pro littera de 16.2., cum favorevole critica de meo conceptione novo de interlinguistica. Propter ce critica, nunc me comunica ad ~~Vos~~ uno plano. Es necesse uno societate exclusivo /quasi academia/ cum minimale numero de membros, auctoritates ~~in~~ interlinguistica, cum scopo puro scientifico. Me preca Vos de initia formatione de tale societate. Et me mitte ad Vos concepto de 1. invitatione, 2. de documento de fundatione et 3. de regulamento directivo. Me preca Vos de comunica ad me statim, si possibile, an Vos consenti, aut non. Si me recipe responso affirmativo, me mitte ad Vos scriptos 1, 2 et 3, ~~in~~ plure exemplare. Tunc Vos vol habe affabilitate de mitte illos ad personas qui pote funda societate, forsan ~~Borgius~~ ad Borgius, Drezen, Jespersen, Michaux, Rosa, Wahl, Weisbart, Yushmanov et, pro forma, ad me.

Ex U.S.A. ante brevi fi initiato uno movimento interlinguistico in favore de schola anglista /á la Riedel & Scheffers/ Es ~~facto~~ regrettabile/ causa de quo es falso opinione, que API es institutione pro Lsf/, que me lege in uno littera de initiateore i.a.: "I hope we can organize a circle of sympathetic workers and make a sally against the hyper-romanic school ... against Interlingua." Me nunc fac effortias de persuade ce gruppo interlinguista, que API es societate neutrale scientifico, et de liquefac illos in API. Ce vol es possibile, si in omne numero de Sev 4-6 ~~paginas~~ fi publicato in ~~xxx~~ linguas de ce "sectione anglista". An me pote da promissione ad "socios in spe" in ce sensu?

Post brevi me mitte ad Vos "Principios de interlinguistica". Id contine quasi fundamento de futuro evolutione de ce novo scientia.

Duo quaestione: an Vos cognosce ullo re super Firro? An suo opere es in biblioteca de API?

Salutationes coidealistico  
de Vestro devoto

